

Inatsisartut suleriaasianni § 37 naapertorlugu matumuuna Naalakkersuisunut imaattunik apeqquteqaatinik saqqummiussivunga:

**Apeqqut:**

1. Kommunit kattussuuneqarnerat sioqqullugu illoqarfikkuutaartumik immikkoortiterlugit pisortat pigisaanni suliffeqarfiit qanoq amerlatigippat?
2. Kommuunit kattussuutinneqarnerisa kingorna illoqarfikkuutaartumik allattorsimaffilerlugit pisortat pigisaanni suliffeqarfiit qanoq amerlatigippat?
3. Kommuunit kattussuutinneqarneri sioqqullugu illoqarfiit ataasiakkaarlugit takussutissalerlugit suliffiit qanoq amerlatigippat?
4. Kommuunit kattussuutinneqarnerisa kingorna illoqarfiit ataasiakkaarlugit takussutissalerlugit suliffiit qanoq amerlatigippat?
5. Kommuunit kattussuutinneqarneri sioqqullugu illoqarfiit ataasiakkaarlugit takussutissalerlugit innuttaasut qanoq amerlatigippat?
6. Kommuunit kattussuutinneqarnerisa kingorna illoqarfiit ataasiakkaarlugit takussutissalerlugit innuttaasut qanoq amerlatigippat?
  - a. Kommuunini sisamaasuni procentinngorlugit innuttaasut amerlassusaat qanoq isikkoqarpat (ikiliartorfiit/amerliartorfiit), kattunneq sioqqullugu kingoqqullugulu?
7. Utoqqaat +65 ukiullit illoqarfinni sumiiffinni qanoq agguataaqqallutik najugaqarpat (kommuunit kattunneri sioqqullugu kingoqqullugu)?
8. Kommuunit kattussuutinneqarnerat sioqqullugu kingoqqullugulu illoqarfiit ataasiakkaarlugit allaffissornikkut aningaasartuutai qanoq annertutigippat?
  - a. Annikillisimappat,
  - b. taamaaginnarpat,
  - c. amerlisimappat? (Takussutissamik ilanngussisoqarnissaa kissaatigaara)
9. Kommuunit kattussuutinneqarnerisa kingorna sumiiffinni allaffissornikkut eqiterutisnertigut suliffiit qanoq amerlatigisut nuutsinneqarpat (illoqarfik sorlerniit illoqarfiit sorlernut)?
  - a. Eqiterutitsineq illoqarfinnut qimanneqartunut qanoq sunniuteqarpa?
10. Kommuunit kattussuutinneqarneri sioqqullugu kingoqqullugulu sutigut pitsanngoriartitsisoqarpa?
11. Kommuunini atorfeqartitaasut nunaqavissut qanoq amerlatigippat kommuunit kattussuutinneqarneri sioqqullugu kingoqqullugulu?

(Inatsiartuni ilaasortaq Suka K. Frederiksen, Siumut)

**Tunngavilersuut:**

Kommuunit pillugit sapinngisamik paasissutissat sukumiissut pigisariaqarmata takusinnaasanut sanilliullugit nalilersorsinnaajumallugit.

Kommuunini maanna oqallisaajuarpoq naligiinnginneq atuuttoq tamannali takussutissanik ujartuif-figigaanni kisitsisitallit nassaariuminaapput, taamaattumik pissutsit takussutissartallit pisariaqarput isigisat kisimik tunngavigineqaraangata assiliaq tamakkiisumiit allaanerusinnaasarmat.

Kommuunit aaqqissuuseqqiffigineqarnerisa nalilersornerisa ullui nalleqqavarput, paasissutissallu kisitsisitallit Inatsisartuni sulinermi pingaaruteqarluinnarput pigineqarnissaat sapinngisamillu assigiummik tunngaveqarluni oqallinnissaq pisariaqarluinnarluni.